

«Mintga rap quinta»

Battaporta e Minisguard han rimnà per l'acziun

■ (cp) Las redacziuns da Battaporta e Minisguard han rimnà sin lur tura tras il Grischun per l'acziun «Jeder Rappen zählt» dal radio SRF3 exact 9323.90 francs. Durant trais dis è il team da RTR stà en tschintg lieus cun musica e biscuits per uschia recaltgar daners che van a l'acziun «Mintga rap quinta». Las duas redacziuns da Battaporta e Minisguard n'han betg temì il fraid ed han visità ils lieus Scuol, Zuoz, Savognin, Cuira e Trun. Els èn vegnids sustegnìds da musicistas e musicists rumantschs sco *Bibi Vaplan*, *Flurin Bezzola*, *Casper Nicca* e band, *Gino Carigiet* e *Braida Janett*, la band *Capoonz* e *Pascal Gamboni*. Per la buna chaussa han els sunà e chantà da tutta fradaglia. Sper la musica è vegnì repartì 120 biscuits, 20 pettas ch'èn vegnidas fatgas da redacturas e redactors da RTR sco era passa 500 cups café e punsch. Las visitadras ed ils visitaders han lura pudì dar quai ch'els han vulì persuentar. Ed i èn stads fitg generus. En tut è vegnì rimnà 9323.90 francs. Quels van cumplainamain a l'acziun «Mintga rap quinta» da SRF 3 e la televisiun SRF 2. Ils daners survegn la Chadaina da fortuna per projects che pussibileschan aua netta en pajais dal Terz mund.



Ils teams da Battaporta e Minisguard han rimnà 9324 francs per «Mintga rap quinta».